



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. III. Quâ ratione teneantur lege, seu statuo locali forenses, & peregrini?

[urn:nbn:de:hbz:466:1-73031](#)

ne ante sive post pubertatem postulent se absolvī, posse Episcopū diacesanum absolutiōnis beneficium impertiri (non exigito illo juramento) quod propter defectum etatis, in qua fuit commissus excessus, rigor sit mansuetudine temperandus. Ex his patet non obstat canonis in contrarium adductos. Nam ex illis (collatis cum c. 1. & 2. de delictis puerorum, de quibus n. 566.) solum deducitur, impuberes propter delicta, in ea etate commissa, excusari a poenis, & censuris juris, excepta sola excommunicatione, de qua in illis canonibus sermo est, immo etiam a pluribus aliis, quae talis excommunicatione incursa post se trahit, quale est onus accedendi Romanam sedem pro absolutione ab excommunicatione; vel juramento, cessante impubertate, ut dictum est.

§. III.

Quā ratione teneantur lege, seu statuto locali forenses, & peregrini:

579. **S**Ex casus sunt, in quibus obligationem agnoscunt & communiter convenient Doctores in hac quæstione, ut notat Castropalaus p. 1. tr. 3. D. 1. p. 24. Q. 3. primus est, forensem teneri legibus locorum, cum accedit animo ibi figendi habitationem; sic enim sit incola, & sortitur ibi forum, ratione habitationis, *L. domicilium*, ff. ad municipalem. Secundus, iisdem loci legibus teneri forenses, qui veniunt ad locum animo majore parte anni ibi commorandi; quia sic habent *quasi domicilium* in tali loco. Hinc ratione *quasi domicilij* possunt in tali loco recipere omnia Sacra menta (Ordine excepto, c. cùm nullus, de temporibus ordinat. in 6.) Nam esto per hoc non consequantur domicilium in tali loco; tamem propter quasi domicilium (quod dicitur *affidua*, & *dinturna habitatio*) convenienti possunt, ut dicitur *L. 2. C. ubi Senatores*, ibi: & *affidua versatur*; & *L. 2. C. ubi de crimine agi oportet, juncta gloss. V. elegit*. Et ideo talis ibi mortuus, ibidem sepulturam habet, nisi alibi elegerit, ut docet Molina de just. tr. 2. D. 214. Tertius est, quod forenses, & peregrini teneantur ad leges locales in celebratione contractuum, c. *Dilecti*, & c. *fin. de foro compet.* & *L. quod si nolit*, Q. *quia affidua, de edilit. edict. L. si haeres ab-*

*sens. Q. si quis tutelas, ff. de judic. sed Thomas Sanchez tamen de matr. l. 3. D. 18. n. 10. & Suarez cum Salas excipit contractum dotalem, volens debere in hoc attendi locum, ubi Vir habet domicilium, propter *L. exigere*, ff. de judic. ubi dicitur, mulier debet (intellige, exigere) ubi maritus habet domicilium, non ubi instrumentum dotale scriptum est: at exceptionem negat Castropalaus cit. §. 3. n. 4. quia aliud est, *dotis exactionem*, ac repetitionem fieri debere in loco, ubi Vir domicilium habet, quia bona Viri obligata sunt doti solvendæ; aliud *contractum de dote* debere celebrari juxta leges loci, ubi Vir domicilium habet. Primum dicitur in c. *L. exigere*; at non secundum. Quartus est, peregrinum teneri legibus loci, quæ transfit, si tales etiam sint in loco sui domicilij secundum habitationem; quia sic non plus gravatur, quam si esset domi. Sanchez de matr. l. 3. D. 18. n. 3. & 24. Quintus, peregrinum teneri legibus loci, latis ob commune bonum illius loci, v. g. ne advena ultra certos dies ibi moretur &c. Sanchez l. 1. in decal. c. 12. n. 36. alias enim ejus inquilini non haberent justam, ac sibi debitam defensionem: sed quoad hoc non æquæ Doctores convenient, ut patebit ex seqq. Sextus, peregrinum teneri legibus communibus in loco, ubi vigent; esto in loco sui domicilij non sint in vigore ob consuetudinem contraria; ita Suarez tom. 1. de Relig. l. 2. c. 14. n. 17. & 28. quia sic subest Legislatori, & consuetudo contraria illi solum favet favore locali, scilicet sui oppidi, vel civitatis; cum non egreditur territorium: his præmissis:*

Quæstio est, an forenses, & peregrini, 571. extra prædictos sex casus, teneantur statutis, & municipali lege locorum, per quæ transeunt? affirmativam sequitur Castropalaus tr. 3. D. 1. p. 24. Q. 3. n. 11. extendens opinionem suam etiam ad vim coactivam, eo quod hoc pertineat ad pacem, & tranquilitatem communem talis loci; fatetur tamen etiam esse probabilem negativam, quam tenet Sanchez l. 3. matrimonij, D. 18. n. 6. Lessius l. 4. de just. c. 2. dub. 7. n. 49. & plurimi alij. Ratio negantium fundatur potissimum in eo, quod lege locali, seu municipal non ligetur nisi subditus; peregrinus autem, & forensis, solum transiens, aut modicum

duntaxat sistens in loco aliquo, non est subditus illius loci; subditus enim non est nisi ratione originis, domicilij, contractus, vel delicti; ergo. Hæc ratio omnino probabilem reddit negantium opinionem, in quantum universaliter negat eam obligationem, seu in quantum loquitur de omnibus legibus localibus; quæ confirmatur in seqq.

572. Sed contra hoc instat sententia affirmantium ex eo, quod sic sequeretur, peregrinos, & forenses nec obligandos locali lege, latâ propter commune bonum talis loci. Nam etiam in dato casu dici posset, forensem, vel peregrinum non esse subditum origine, domicilio, contractu, delicto: & tamen in hoc casu eum teneri concedunt, ut dictum est n. 570. Et ideo Castropal. cit. n. 13. censet, viatores obligari legibus municipalibus, quæ transeunt, non solum quoad vim directivam, seu culpam; sed etiam coactivam, & poenalem. Nam si subduntur legi municipali quoad vim directivam, transgrediviendô, seu non servandô ea, delinquunt; & sic ratione delicti etiam fortiuntur fororum, quoad poenam.

573. Posset tamen à negantibus responderi, aliud esse bonum commune generaliter; aliud specialiter, nimurum specialis communitatis, & loci, quâ talis, conservationi necessarium; & in ordine ad hoc, non ad illud, quemlibet à natura subjici legibus, illud speciale bonum directè querentibus. Nam unius loci conservatio præ altero potest indigere; ne hoc, aut illud fiat, v. g. ne inducantur tales mores, merces &c. unde omnino rectæ rationi consonum est, omnes, qui eò veniunt, naturali jure exigente, Præsidibus subjici, quibus per leges locales, bonū speciale loci, respicientes, eam communitatem gubernare datum est.

574. Dices: potest aliqua provincia, vel civitas ferre leges pro solis advenis, & peregrinis; ergo datur in republica potestas ad hanc obligationem inducendam; ant. pat. quia alias non posset se respublica incolumem, ac indemnum servare; sic Abbas, & Hostiensis in c. à nobis, elig. 1. de sent. excom. Resp. ex hac, & priori ratione in n. 572. sententiam affirmantium omnido reddi valde probabilem; à negantibus autem eam doctrinam, indefinite affirmantem, rectè antecedens distingui pos-

se, dicendô: illud procedere, quando illæ leges latæ sunt ob bonum speciale talis loci; non generale, ut suprà dictum est. Nam per hoc sufficienter provisum est defensioni, & conservationi talis loci.

Negantium opinio confirmari potest ex c. à nobis, elig. 1. de sent. excom. ubi Pontifex interrogatus, an forenses comprehenderentur in excommunicatione, lata ab Episcopo profuturis delictis: respondit, solum subditos comprehendendi. Ex hac enim Pontificia resolutione rectè colligitur, diccesanorum legibus non comprehendendi forenses, & peregrinos, seu viatores; cum ad hanc questionem: an, ubi Episcopus sic pronuntiaverit (qui furtum fecerit, excommunicatus sit) hæc generalis clausula ad ipsius excommunicatoris subditos referatur? an generaliter extendatur ad omnes, qui non sunt de jurisdictione illius: expresse responderit: non nisi subditi ligantur.

Dices 1. hoc solum procedere, quando Episcopus statuit excommunicationem, per sententiam; non autem, quando per statutum; id, quod tenet Suarez l. 3. de legibus, c. 33. à n. 9. dicens, forenses, & peregrinos omnino esse exclusos, seu non comprehensos in sententis, & præceptis Superiorum localium (nam hæc afficiunt personas) secus in statutis, quia hæc afficiunt personam ratione loci subjecti statuenti. Verum, si peregrini, & forenses possunt à supremo Domino alicujus loci ligari illius localibus statutis; poterunt etiam ligari non modo generalibus, sed etiam specialibus sententiis, & præceptis. Utrique enim casui communis est ratio antecedentis in eo sita, quod speciale bonum talis loci requirat etiam viatores, & forenses conformari cum reliquis de republica. Sic Castropal. cit. n. 15.

Deinde negari potest, responsum Pontificis in cit. c. à nobis procedere solum de præceptis; non statutis, ut exponit P. Suarez cit. Nam responsio negativè data est ad quæstum indefinitè, an ejusmodi pronuntiatio Episcopi, ligentur tantum subditi, vel etiam illi, qui non sunt de jurisdictione illius? pronuntiatum enim comprehendit non tantum præcepta, sed etiam leges, & statuta. Confirmari potest ex eo, quia c. à nobis, eodem modo procedit in hac questione de pronuntiatio Episcopi, quo c. ut animarum, de Constitut. in 6. sed hoc

hoc etiam comprehendit statuta, & leges; ergo & illud; ita Salas hic D. 14. S. 4. n. 44. & alij.

578. Dices 2. licet Pontifex in cit. c. à nobis, expressè non dixerit, ibi advenas comprehendendi; non tamen illos exclusit, sed quæstionem indecisam reliquit, ut locus daretur opinionibus; ergo ex illo textu non recte probatur, advenas, peregrinos, & fo-
renses non ligari localibus statutis; sic Ca-
stropalaus cit. n. 15. sed, nego antecedens.
Nam Pontifex expressè respondit negativè
ad quæstionem: an eo Episcopi pronuntiatio-
lignantur etiam illi, qui non sunt de juris-
dictione talis Episcopi; & affirmavit de so-
lis subditis ejus.

579. Dices 3. S. Augustinus relatus in c. quæ contra, diff. 8. ait: quæ contra mores homini-
num sunt flagitia, pro morum diversitate
sunt vitanda, ut paucum inter se gentis,
aut civitatis, consuetudine, vel lege firma-
tum, nullâ civis, aut peregrini libidine vi-
letur; turpis enim est omnis pars univer-
so suo non conveniens; ergo peregrini, e-
tiam ex mente S. Doctoris, ligantur legi-
bus loci. Resp. ex n. 69. D. Augustinum
non condidisse legem; ejus tamen opinio-
nem (ne contradicat Summi Pontificis
decisioni in cit. c. à nobis, de quo n. 552.)
quoad peregrinos rectè intelligi de obligati-
one statuti propter speciale bonum talis lo-
ci; non autem generale, ut diximus num.
573. & quoad hoc satisfieri, dicendò, esse
obligationem decentia, & honestatis, vel
etiam procedere de lege locali in materia
jure naturali, divino, vel communi alias
debita.

580. Ad extremum nota, ex hoc, quod ad-
mittatur, viatores subjici statutis loci, quæ
transcunt, non rectè inferri, delinquen-
tes in suo oppido, si aliò veniunt, posse
ibi puniri. Nam etiam admissa senten-
tiā affirmante, Viatores obstringi le-
gibus loci, quæ transcunt, solùm sequi-
tur, eos subjici Judici loci, quæ trans-
cunt, in his, quæ ad rectam illius Rei-
publicæ gubernationem pertinent; ad
quod nihil confert delictum alibi commis-
sum. Unde in hac opinione viatorum ob-
ligatio ad leges locales est solùm indire-
cta, quatenus ea Res publica pro conser-
vatione sua petit inibi sistentes, aut trans-
cuentes, pro tempore suæ moræ, cæteris con-
formari; sic Farinacius in praxi l. 1. q. 7.

Tom. I.

à n. 6. quid autem tenendum de contra-
hendis vagorum matrimonij, constabit ex
lib. 4. quibus addo, quod, si loci Parochus
assistat matrimonio vagorum, non præ-
missâ debitâ diligentia, & licentia Ordina-
rij, graviter peccet, matrimonium tamen
valeat; sic Barbos. in Trid. sess. 24. de reform.
matr. c. 7. n. 4. & apud eundem Sanchez,
Pontius, & complures alij.

Quæres, an forenses, peregrini, & vi-
atores gaudeant privilegijs locorum, quæ
transcunt? Resp. notandum, quædam es-
se privilegia præcisè in favorem *incola-
rum*; quædam autem sita solùm in exem-
ptione à jure communi, v. g. quod in tali
loco celebretur festum aliquod ritu dupli-
ci, quod alibi, vel solùm sub simplici, vel
nullo modo, quod tali die in ejusmodi lo-
co non sit festum fori, jejunium &c. Non
gaudere privilegijs primi generis ex eo dici
posset, quia *viatores* non sunt *incole* talis
loci. Dici tamen posset, etiam gaudere,
saltē dum ibi sunt; si enim juxta proba-
bilem sententiam, dum ibi sunt, ligantur
legibus locorum, ut sic in quilibet confor-
mentur, æquum est, ut fruantur favori-
bus; cum justum omnino sit, ut sentiat &
commodum, qui sentit onus; & ex hac ra-
tione à fortiori sequitur eos gaudere privi-
legijs secundi generis, nisi expressè restri-
cta sint ad certum duntaxat populum, vel
communitatem; ita sentire videtur Ca-
stropalaus cit. p. 24. Q. 5. n. 2. cum Suá-
rez, Sanchez, Salas, Bonacina, & alijs i-
bidem relaris.

Si quæras, qua ratione legibus tenean-
tur vagi? Resp. *vagos censi*, qui nullib[us]
habent certam sedem. Hinc qui habens
alicubi domicilium, inde abit animo nun-
quam redeundi, nec alibi, saltē majori
parte anni habitandi, vagabundus est; ita
Sanchez l. 3. matrim. c. 25. n. 1. &c. quo
posito: Resp. quamvis Lessius l. 4. c. 2. d.
7. n. 49. & alijs censeant, de his idem ten-
endum esse, quod dictum est de peregrini-
nis, nimis non obstringi legibus mu-
nicipalibus locorum, per quæ transcunt:
probabilis tamen, illos teneri legibus loci,
ubi actū sunt, & quamdiu ibi sunt, censem-
ti à Castropalaus cit. p. 24. §. 4. n. 3. Alijs
enim esent exempti ab omnibus legibus
particularibus, quod recte ipsorum guber-
nationi repugnat; sic etiam Suarez D. 14.
de legibus, f. 4. n. 55. & communis. Hæc
tamen

tamen ratio non evertit probabilitatem sententiae oppositæ. 1. quia per hoc non eximuntur à jure naturali, & divino, nec à jure comuni Ecclesiastico; simò nec à municipal i locorum, quā transeunt, quod respicit speciale bonum talis Reipublicæ.

583. Dubium est, an vagus in loco, per quem transit, puniri possit de delicto alibi commisso; affirmativam tenet gloss. in L. I. C. ubi de criminibus agi; quam esse communiter receptam affirmit Farinacius in praxi l. 1. q. 7. n. 13. Alij rectiū distinguunt, & dicunt, posse, in defectu judicis loci, ubi deliquit; secus, cùm ab hoc sibi remitti petitur. Ratio primæ partis; quia judici loci, quā transit vagus, non est subditus in punitione delictorum alibi commissorum; cùm hæc tendat, ut ex punitione fiat alijs exemplum, & dati scandali reparatio; quòd, ubi deficit Judex loci, in quo peccatum est, ne crimina maneant omnino impunita, justè tribuitur Judici alterius loci. Ratio secundæ parris est; quia ratione delicti factus est subditus loci, in quo deliquit; ergo hic iustè illum exigit sibi reddi; consequenter Judex alterius loci, in quo non deliquit, tenetur eum iustè petenti reddere; cùm hæc sint correlativa justæ, seu jure petere, ac jure debere; sic Decius in tract. crimin. tom. I. l. 4. c. 13. à n. 17. Julius Clarus l. 5. recept. sentent. in tract. crimin. q. 39. n. 7. Azor p. I. l. 5. c. 11. q. 3. quod procedit, sive ambo Judices sint sub eodem, sive sub diverso Principe; cùm ratio militet pro utroque casu; sic Castropal. cit. n. 5.

§. IV.

An lex, vel statutum obliget existentem extra territorium Legislatoris?

584. Communis regula est negativa; fundatur in eo, quòd extra territorium jus dicenti non pareatur impunè, juxta c. 2. Q. statuta, de Constat. in 6. Et ideo, qui non paret, non incurrit poenam legis. Non enim potest jurisdictionem exercere ultra limites sua potestatis, L. ult. ff. de jurisdictione omn. Judic. & statuta non feruntur in personas absolute, sed dependenter à territorio. L. omnes populi, ff. de iust. & iure. Hinc subditus, etiam extra territorium temper manet subditus ad obedendum, sed intra territorium, non extra.

Hæc tamen regula declaratione indiget, ut rectè procedat. Primò enim non venit intelligenda pro casu, quo subditus, existens extra territorium, delinquit intra territorium; ut si existens foris, jaculetur in alium existentem intra territorium, & hic occidatur.

Verùm circa hanc declarationē avertendū est 1. cum Suar. l. 3. de legibus, c. 22. n. 8. & de censur. D. 5. f. 4. n. 9. illam posse adhiberi statuto vel affirmativo, nimurum exigendi positionem alicujus actus; vel negativo, nimurum exigendi omissionem alicujus actus. Advertendum 2. in hac materia maximè attendendum, ubi delictum contra statutum censematur fieri? si sit contra statutum positivum, seu affirmativum, ibi censetur committi delictum, per omissionem, ubi ex obligatione ponendus erat actus; sic si detur statutum exigens Titij præsentiam in territorio A v. g. triduo Paschatis; ubique sit Titius, dum eo tempore abest à territorio, delictum censemur fieri in ipso territorio; quia intra hoc tali tempore illitus præsentia in loco exigebarur statuto.

Si autem sit statutum negativum, distinguendum est inter poenas. Nam si transgressoribus imponat censuram, ibi censetur delictum committi contra tale statutum, ubi delictum consummatur, esto alibi sit inchoatum; nisi etiam censuram statuat delicto solum attentato; cuius ratio est ex L. qui non facit ff. de reg. juris, ibi: qui non facit, quod facere debet, videtur facere adversus ea, que non facit; & colligitur ex c. tue 11. de Cleric. non resident. si autem imponat alias poenas temporales, quoad has delictum committi censemur, & ubi inchoatum, & ubi consummatum est; hinc si quis in uno territorio delictum inchoet, & in alio consummet, ratione delicti sortitur forum in utroque loco, & puniri potest, L. I. C. ubi de criminis agi oportet, ibi: ubi commissa, vel inchoata sunt.

Secundò non venit intelligenda dicta regula pro casu, si statutū violetur ab existente extra territoriū, quando directè respicit rem in territorio sitā (v. g. ne frumentum distrahatur extra territorium, vel quovis anno conveniat ad synodum) vel ipsius territorij speciale commodum; v. g. si sub poena censuræ prohibeat mercatram exerceri extra territorium; quia tunc inju-